



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronicon Montis-Sereni Sive Lavterbergense

Mader, Joachim Johann

Helmestadi, 1665

Historia Fvndationis Monasterii Bosavgiensis.

urn:nbn:de:hbz:466:1-11088

Anno Domini DCCCCXXXIII. *Eberhardus Comes præpotentissimus, fraterque ejus Adelhero* in castro EBERSBERG monasterium Canonicorum regularium fundarunt. Postea tamen *Vdalricus filius dicti Comitis Adelheronis* ordinem regularium Canonicorum in monachos nostri ordinis commutavit.

Anno Domini DCCCCXCVII. *Gebehardus primus hujus nonnis Episcopus Ratisponensis præficitur.* Hic in territorio urbis Ratisbonensis quendam locum **Pruel** dictum, monachicæ viræ aptum elegit, & monasterium construxit. Dotatum est per *Ottone M.* magnifice & privilegiatum.

Anno Domini MLXII. septem fratres *Scoti*, quorum nomina sunt *haec*: *Marianus, Mathaninus, Murchertachus, Clemens, Gervasius, Isaac, & Donatus* Ratisponam venerunt, & sicut in Chronicis legitur, quendam mortuum nuper in patibulo *Zandolphum* nomine ibidem resuscitaverunt, ac tempore *Ottonis Episcopi* tunc temporis locum, ubi nunc est *Prioratus S. Petri* extra muros civitatis inhabitare coepi-
rant.

Eberhardus Comes de Ebersberg supra dictus super flu-
men *Ilmus* monasterium etiam construxit **Geyßenfeld**,
ordinis nostri, anno Domini DCCCLIII, & circa.

HISTORIA FUNDATIONIS MONASTERII BOSAVGIENSIS.

Anno Domini millesimo centesimo decimo, sub *Henrico Imperatore* hujus nominis quarto, sed in ordine regum quinto, auctoritate in Ecclesia militante post *Urbanum*. viro Apostolico *Paschali*, Dominus *Theodoricus Zizensi* Ecclesiæ digne præficitur, vir vere commendandus, literis apprime eruditus, contra schismata, quæ nonnunquam suo tempore pullulabant, propugnator Catholicus,
& in

& in omni pastorali sollicitudine commissæ sibi Ecclesiæ desudans utilitatibus. Hic tertio Episcopatus sui anno, scilicet anno Domini millesimo centesimo quarto decimo, cum esset B. Mariæ Dei genitrici specialiter devotus, quendam Sclavum penitus illiteratum, eidemque B. Virginis æque devotum in sua curia habebat. Cui Sclavo B. Virgo Maria tunc apparuit adhortans, ut præfato Episcopo diceret, ut claustrum suo honori consecrandum non longe à suburbano seu territorio suæ civitatis, in colle, quem antiquitas Bosavugia nominaverat, construeret, & pro indicio veritatis insinuaret, quod secrete dicere solitus esset ante inchoationem horarum B. Virginis hanc antiphonam: *Nativitas tua Dei genitrix, &c.* Quæ cum idem Sclavus Episcopo nuntiasset, & Episcopus suum secretum illi revelatum cognosceret, quod Domina nostra sibi dilectissima virgo Maria voluit, quantocius adimplevit, & montem qui Bosavugia dicitur, primum occupavit ac fruticetis & spinetis mundavit, & mense Septembri vi. Idus ejusdem mensis ligneam cappellam in eodem monte constructam in honore S. Dei genitricis & perpetuæ virginis Mariæ dedicavit, ipsumque montem cum aliis prædiis in usum fratrum inibi Deo in perpetuum secundum regulam beatissimi Patris Benedicti, Nigrorum monachorum servitorum assignavit. Nam de monasterio Hirsvuggensi Spirensis dioecesis, pro tunc in regulari observantia, secundum Cluniacensem statuta nominatissimo, Abbatem postulavit, & quendam Erkenbertum virum venerabilem, quem primum huic loco Abbatem præfecit, unum cum aliis fratribus acquisivit. Secundo dehinc anno, qui est annus Domini millesimus centesimus quintus decimus, Basilicam hanc à fundamento erexit, & octavo ab hinc anno, qui est annus Domini millesimus centesimus vicesimus secundus, consummavit, duoque altaria, unum in dextrali

Nn 3

plaga

plaga in honore Apostolorum Petri & Pauli sexto Idus Septembris, alterum vero in sinistrali in honore Apostolorum Philippi & Iacobi Kalendis Maji dedicavit. Hic etiam quendam nobilem, nomine Bennonem de vicina Soraborum gente in conversum recepit. Qui cum vere perversus existeret, & ab Abbatे s̄aþe correptus emendare nollet, Abbas ad ejus directionem etiam Episcopum advocavit. Qui cum prædictum durius, ut dignus erat, argueret, idem Benno cuncta impatienter ferens in tantam malitiam devenit, ut eundem Episcopum in oratione ante principale altare procumbentem latenter cultello perfoderet. Vnde post triduum venerandus Dei sacerdos quinto Kal. Octobr. anno Domini MCXXIII migravit ad dominum in eodem loco sepultus, quo occisus. Ipse vero Benno non conversus sed perversus mox vivus a Dæmone raptus, nusquam comparuit. Altero abhinc anno, qui est annus Domini MCXXIV. septimo Idus Septembris, dedicata est hæc basilica à Domino Richvino, venerabili Domini Theodorici, nostri fundatoris successore, ordinationis ejus anno primo, & ab Arnaldo Merseburgensis Ecclesiæ Episcopo, & quinque altaria ipso die, principale quidem altare in honore B. & perpetuæ Virginis Mariae & S. Iohannis Baptistæ, sanctique Iohannis Evangelistæ: altare ante chorūm in honore S. Crucis; altare post summum in honore S. Benedicti; in honore S. Georgi martyris in dextra parte; in sinistra vero parte in honore SS. undecim milium virginum, &c. Feliciter. Amen.

FVNDATIO MONASTERII PRVMIENSIS
PER PIPINVM SENIOREM QVI FVIT PATER
Caroli Magni Imperatoris.

Pipinus Francorum Rex, cum esset in venatione in Arduenna super flumen quod vocatur Prumia, venatores suos & canes